

上蔡縣志卷之十三

毘陵楊廷望纂修

藝文志

楊廷望曰結繩爲治之時書契未作逮伏羲氏之有天下也以一畫開文字之祥後之談藝文者舍蔡其何適矣宣尼適楚上下無交兕虎宿於郊原鯁魚戰於旅舍七日不火斯文在茲而四科十哲彬彬文雅漆雕挺生曹秦同里左氏出而聲子朝吳之篇烺烺書冊孟軻爲斯道傳

上蔡縣志

卷之十三

藝文

人亦曰斐然興魯狂之思聖道之隆蔚然大光矣若賦畫古詩之流四始六義音韻生焉汝墳昭周南之化淮爨大江漢之雄唐雅尚有淳熙常武擬爲絕唱貞觀大歷之曲元和長慶之不雖時有不同而章各自得是以北地信陽鬱鬱中州者原有其本也翟方進鴻隙之功杜若公五溝之蹟非綱常名教之言水旱災傷之疏卓然名家乎而論斷之難或寓褒於貶之中或寄

抑於揚之內龍門李斯之論若臣詞科補遺

臣之書教養兼攝不汰有味哉後銘亦非斯文
之細事也許汝南之月旦郭有道之碑文庶幾
近之又不得獨在凡杖盤盂而已然文各有體道
以言傳凌蒼之碑學不足何以驚人摩漢之辭
鐫不工無以振世雖有河北膠東之紙而無
錦布繡之華韓愈在前文旨在後何裨哉是一
十二朝之史皆朝綱國計之謨非以一臺一樹
徒騁繪藻雕龍已也漢魏六朝之體制猶存唐
宋元明之流風如故假非具眼之識自夸放膽

上蔡縣志

卷之十三

藝文

又一

之文卽有珠在手徒具文耳序之與跋異體而
同情如傳後之題遺事之載又補正史之所未
逮原古人之心而發今人之議處百世之下而
辨往古之疑則窮流溯源豈徒論說云爾耶至
若河渠今日之要務也然考諸歷朝君子爭於
庭小人訟於野言之不當行之無文非余藝文
志之所取也易曰多識前言往行如識之不廣
而自以爲文學之未充而妄以爲理無恠乎朱
雲折充宗之角而張氏撤臯比之座矣翻黻皇

爲也將有行也問焉而以言其受命也如濤无有遠
近幽深遂知來物非天下之至精其孰能與於此參
伍以變錯綜其數通其變遂成天地之文極其數遂
定天下之象非天下之至變其孰能與於此易无思
也无爲也寂然不動感而遂通天下之故非天下之
至神其孰能與於此夫易聖人之所以極深而研幾
也唯深也故能通天下之志唯幾也故能成天下之
務唯神也故不疾而速不行而至子曰易有聖人之
道四焉者此之謂也

子曰夫易何爲者也夫易開物成務冒天下之道如
斯而已者是故聖人以通天下之志以定天下之
業以斷天下之疑故著之德圓而神卦之德方以知
六爻之義易以貢聖人以此洗心退藏於密吉凶與
民同患神以知來知以藏往其孰能與於此哉古之
聰明睿知神武而不殺者夫是以明於天之道而察
於民之故是與神物以前民用聖人以此齋戒以神
明其德夫是故闔戶謂之坤闢戶謂之乾一闔一闢
謂之變往來不窮謂之通見乃謂之象形乃謂之器

猷文章是賴可不慎

藝文志上

經傳詩

易經

繫辭傳

天一地二天三地四天五地六天七地八天九地十
天數五地數五五位相得而各有合天數二十有五
地數三十凡天地之數五十有五此所以成變化而
行鬼神也大衍之數五十其用四十有九分而爲二
以象兩掛一以象三揲之以四以象四時歸奇於扚

上蔡縣志

卷之十三

藝文

二

以象閏五歲再閏故再扚而後掛乾之策二百一十
有六坤之策百四十有四凡三百有六十當期之日
二篇之策萬有一千五百二十當萬物之數也是故
四營而成易十有八變而成卦八卦而小成引而伸
之觸類而長之天下之能事畢矣顯道神德行是故
可與酬酢可與祐神矣子曰知變化之道者其知神
之所爲乎

易有聖人之道因焉以言者尚其辭以動者尚其變
以制器者尚其象以卜筮者尚其占是以君子將

而用之謂之法利用出入民咸用之謂之神是故
易有太極是生兩儀兩儀生四象四象生八卦八卦
定吉凶吉凶生大業是故法象莫大乎天地變通莫
大乎四時縣象著明莫大乎日月崇高莫大乎富貴
備物致用立成器以爲天下利莫大乎聖人探賾索
隱鈎深致遠以定天下之吉凶成天下之亹亹者莫
大乎蓍龜是故天生神物聖人則之天地變化聖人
效之天垂象見吉凶聖人象之河出圖洛出書聖人
則之易有四象所以示也繫辭焉所以告也定之以
上蔡縣志

卷之十三

藝文

三

吉凶所以斷也

說卦傳

昔者聖人之作易也幽贊于神明而生蓍參天兩地
而倚數觀變於陰陽而立卦發揮於剛柔而生爻和
順於道德而理於義窮理盡性以至於命

書經

蔡仲之命

維周公位冢宰正百工羣叔流言乃致辟管叔於商
囚蔡叔於郭鄰以車七乘降霍叔於庶人三年不

仲克庸祗德周公以爲卿士叔季乃命諸士邦
蔡王若曰小子胡惟爾率德改行克慎厥猷肆予命
爾侯於東土往卽乃封敬哉爾尚蓋前人之愆惟忠
惟孝爾乃邁迹自身克勤無怠以垂憲乃後率乃禮
文王之彝訓無若爾考之違王命皇天無親惟德是
輔民心無常惟惠之懷爲善不同同歸于治爲惡不
同同歸于亂爾其戒哉慎厥初惟厥終終以不悛不
惟厥終終以困窮懋乃攸績則乃四鄰以蕃王
亦兄弟康濟小民率自中無作聰明亂舊章詩乃
汝往哉無荒棄朕命

蔡縣志

卷之十三

藝文

四

詩經

汝墳三章章四句

遵彼汝墳伐其條枚未見君子惄如調飢
遵彼汝墳伐其條肄既見君子不我遐棄
魚鱗尾王室如燬雖則如燬父母孔邇

樂書救鄭與楚師遇於繞角楚師還晉師遂侵蔡

怒公子申公子成以申息之師救蔡禦諸桑隧

杜預注

陵縣東有桑趙同趙括欲戰請於武子武子將許

之知莊子范文子韓獻子諫曰不可吾來救鄭楚師

去我吾遂至於此是遷戮也戮而不已又怒楚曰戰

必不克雖克不令成師以出而敗楚之二縣何榮之

有焉若不能敗為辱已甚不如還也乃遂還於是軍

師之欲戰者衆或謂樂武子曰聖人與衆同欲是以

然專子盍從衆子為大政將酌於民者也子之佐十

蔡縣志

卷之十三

藝文

五

一人其不欲戰者三人而已欲戰者可謂衆矣商書

曰三人占從二人衆故也武子曰善鈞從衆夫善衆

之主也三卿為主可謂衆矣從之不亦可乎

子產論鄭伐蔡獲公子燮

左傳

鄭子國子耳侵蔡獲蔡司馬公子燮鄭人皆喜唯子

產不順曰小國無文德而有武功禍莫大焉楚人來

討能勿從乎從之晉師必至吾楚伐鄭自今鄭國不

四五年弗得寧矣子國怒之曰爾何知國有大命而

三卿童子言焉將為

子國子

蔡公子燮欲之晉

左傳

蔡公子燮欲以蔡之晉蔡人殺之公子履其母弟也
出奔楚初蔡文侯欲事晉曰先君與於踐土之盟
晉不可棄且兄弟也畏楚不能行而卒楚人使蔡無
常公子燮求從先君以利蔡不能而死書曰蔡殺其
大夫公子燮言不與民同欲也

子產論蔡侯不敬

左傳

蔡侯歸自晉入于鄭鄭伯享之不敬子產曰蔡侯其
不免乎曰其過此也君使子展往勞於東門之外而
上蔡縣志

卷之十三

藝文

六

葛弘論蔡凶

左傳

景王問於葛弘曰今茲諸侯何實吉何實凶對曰蔡
凶此蔡侯般弑其君之歲也歲在豕韋弗過此矣
將有之然壅也歲及大梁蔡復楚凶天之道也楚子
在申召蔡靈侯靈侯將往蔡大夫曰王貪而無信
蔡於感今幣重而言甘誘我也不如無往蔡侯下

三月丙申楚子伏甲而饗蔡侯於中擘而執之夏四月丁巳殺之刑其士七十人公子棄疾帥師圍蔡歸宣子問於叔向曰楚其克乎對曰克哉蔡侯獲罪於其君而不能其民天將假手於楚以斃之何故不克然盼聞之不信以幸不可再也楚王奉孫吳以討於陳曰將定而國陳人聽命而遂縣之今又誘蔡而殺其君以圍其國雖幸而克必受其咎弗能久矣衆克有緒以喪其國紂克東夷而隕其身楚小位下而亟暴於二王能無咎乎天之假助不善非祚之也厚其上蔡縣志

卷之十三

藝文

七

晉荀吳鄭子產論救蔡

左傳

楚師在蔡晉荀吳謂韓宣子曰不能救陳又不能救蔡物以無親晉之不能亦可知也已爲盟主而不恤亡國將焉用之秋會于厥憇謀救蔡也鄭子皮將行子產曰行不遠不能救蔡也蔡小而不順楚大而不德夫將棄蔡以率楚盈而罰之蔡必亡矣且喪君而能守者鮮矣三年王其有咎乎美惡周必復王惡周

晉人使狐父請蔡于楚弗許

楚子滅蔡

左傳

楚子滅蔡用隱太子于岡山申無宇曰不祥五牲不相為用况用諸侯乎王必悔之楚子城陳蔡不羹使棄疾為蔡公王問於申無宇曰棄疾在蔡何如對曰擇子莫如父擇臣莫如君鄭莊公城櫟而寘子元焉便昭公不立齊桓公城穀而寘管仲焉至於今賴之臣聞五大不在邊五細不在庭親不在外羈不在內今棄疾在外鄭丹在內君其少戒王曰國有大城何上蔡縣志

卷之十一

藝文

八

楚平王復封蔡

左傳

楚子之為令尹也殺大司馬遠掩而取其室及即奪遠居田遷許而質許圍蔡洧有寵於王王之滅也其父死焉王使與於守而行申之會越大夫也王奪鬬韋龜中犢又奪成然邑而使為郊尹蔓成事蔡公故遠氏之族及許圍蔡洧蔓成

王所不禮也。因羣喪職之族，啓越大夫常壽，過作亂。圍固城，克息舟城而居之。觀起之死也，其子從在蔡。事朝吳曰：今不封蔡，蔡不封矣。我請試之，以蔡公之命召子干、子皙及郊而告之。情強與之盟，入襲蔡。蔡公將食，見之而逃。觀從使子干食坎，用牲加書而速行。已，徇於蔡曰：蔡公召二子將納之，與之盟而遣之矣。將師而從之，蔡人聚將執之。辭曰：失賊成軍而殺余，何益？乃釋之。朝吳曰：二、三子若能死亡，則如違之，以待所濟。若求安定，則如與之，以濟所欲。且違上，何

適而可。衆曰：與之，乃奉蔡公。召二子而盟于鄧，依陳。蔡人以國。楚公子比、公子黑肱、公子棄疾、蔓成然、蔡朝、吳帥陳蔡，不羹許葉之師，因四族之徒，以入楚及郊。陳蔡欲爲名，故請爲武軍。蔡公知之，曰：欲速且殺，病矣。請藩而已。乃藩爲軍。蔡公使須務牟與史俾先入，因正僕人殺太子祿及公子罷敵。公子比爲王。公子黑肱爲令尹，次于魚陂。公子棄疾爲司馬，先除王宮，使觀從從師于乾谿，而遂告之。且曰：先歸復所後者，劓師及訾禁，而潰。王聞羣公子之死也，自投于車。

下曰人之愛其子也亦如余乎侍者曰甚焉小人老而無子知擠于溝壑矣王曰余殺人子多矣能無及此乎右尹子革曰講待于郊以聽國人王曰衆怒不可犯也曰若入於大都而乞師於諸侯王曰皆叛矣曰若亡於諸侯以聽大國之圖君也王曰大福不再祇取辱焉然丹乃歸于楚王公夏將欲入郢尹無宇之子申亥曰吾父再奸王命王弗誅惠孰大焉君不可忍惠不可棄吾其從王乃求王遇諸棘闈以歸夏五月癸亥王縊于芋尹申亥氏申亥以其二女殉

而葬之觀從謂子干曰不殺棄疾雖得國猶受禍也子干曰余不忍也子玉曰人將忍子吾不忍俟也乃行國每夜駭曰王入矣乙卯夜棄疾使周走而呼曰王至矣國人大驚使蔓成然走告子干子皙曰王至矣國人殺君司馬將來矣君若早自圖也可以無辱衆怒如水火焉不可爲謀又有呼而走至者曰衆至矣二子皆自殺丙辰棄疾卽位名曰熊居葬子干于訾實訾敖殺囚衣之王服而流諸漢乃取而葬之以靖國人使子旗爲令尹楚師還自徐吳人敗諸豫章

襄其五帥平王封陳蔡復遷邑致羣賂施舍寬民有
罪舉職

昭侯以一裘止楚

左傳

蔡昭侯爲兩佩與兩裘以如楚獻一佩一裘於昭王
昭王服之以享蔡侯蔡侯亦服其一子常欲之弗與
三年止之唐成公如楚有兩肅爽馬子常欲之弗與
亦二年止之唐人或相與謀請代先從者許之飲先
從者酒醉之竊馬而獻之子常子常歸唐侯自拘於
司敗曰君以弄馬之故隱君身棄國家羣臣請相夫
上蔡縣志 卷之十三 藝文 十一

人以償馬必如之唐侯曰寡人之過也二三子無辱
皆賞之蔡人聞之固請而獻佩于子常子常朝見蔡
侯之徒命有司曰蔡君之久也官不其也明日禮不
畢將死蔡侯歸及漢執玉而沈曰余所有濟漢而南
者有若大川蔡侯如晉以其子元與其大夫之子爲
質焉而請伐楚

蔡衛爭長

左傳

劉文公合諸侯于召陵謀伐楚也晉荀寅求貨於蔡
侯弗得言於范獻子曰國家方危諸侯方貳將以襲

亦難乎水潦方降疾疢方起中山不服棄盟取怨無損於楚而失中山不如辭蔡侯吾自方城以來楚未可以得志祇取勤焉乃辭蔡侯晉人假羽旄於鄭鄭人與之明日或施以名晉於是乎失諸侯將會衛子行敬子言於靈公曰會同難噴有煩言莫之治也其使祝佗從公曰善乃使子魚子魚辭曰臣展四體以率舊職猶懼不給而煩刑書若又其二徼大罪也且夫祝社稷之常隸也社稷不動祝不出竟官之制也君以軍行故社饗鼓祝奉以從於是乎出竟若

嘉好之事君行師從卿行旅從臣無事焉公曰行也及臯鼫將弋蔡於衛衛侯使祝佗私於萇弘曰聞諸道路不知信否若聞蔡將先衛信乎萇弘曰信蔡叔康叔之兄也先衛不亦可乎子魚曰以先王觀之則尚德也昔武王克商成王定之選建明德以藩屏周故周公相王室以尹天下於周爲睦分魯公以大路大旂夏后氏之璜封父之繁弱殷氏六族條氏徐氏蕭氏索氏長勺氏尾勺氏使帥其宗氏輯其分族將其類醜以法則周公用卽命于周是使之職事于魯

昭周公之明德分之土田陪敦視宗十史備物典
策官司彝器因商奄之民命以伯禽而封於少皞之
虛分康叔以大路少帛精棧旃旌大呂殷氏七族陶
氏施氏繁氏錡氏樊氏饑氏終蔡氏封畛土畧自武
父以南及圃田之北竟取於有閭之土以其王職取
於相土之東都以會王之東蒐聘季授土陶叔授民
命以康誥而封於殷虛皆啓以商政疆以周索分唐
叔以大路密須之鼓闕鞏沽洗懷姓九宗職官五正
命以康誥而封於夏虛啓以夏正疆以戎索三者皆

叔也而有令德故昭之以分物不然文武成康之化
猶多而不獲是分也唯不尚年也管蔡啓商蒸問王
室王於是乎殺管叔而囚蔡叔以車七乘徒七十人
其子蔡仲改行帥德周公舉之以爲已卿士見諸王
而命之以蔡其命書云王曰胡無若爾考之違王命
也若之何其使蔡先衛也武王之母弟八人周公爲
太宰康叔爲司寇聃季爲司空五叔無官豈尚年也
曹文之昭也晉武之穆也曹爲伯甸非尚年也今將
尚之是反先王也晉文公爲踐土之盟衛成公不

夷叔其母弟也猶先蔡其載書云王若曰晉重營甲
衛武蔡甲午鄭捷齊潘宋王臣莒期藏在周府可覆
視也吾子欲復文武之器而不正其德將如之何長
弘說告劉子與范獻子謀之乃長衛侯於盟

蔡侯以吳師敗楚

左傳

沈人不會于召陵晉人使蔡伐之夏蔡滅沈秋楚爲
沈故圍蔡伍員爲吳行人以謀楚楚之殺郈宛也伯
氏之族出伯州犁之孫嚭爲吳太宰以謀楚楚自昭
王卽位無歲不有吳師蔡侯因之以其子乾與其大

上蔡縣志

卷之十三

藝文

十四

夫之子爲質於吳冬蔡侯吳子唐侯伐楚舍舟于淮
泗自豫章與楚夾漢左司馬戍謂子常曰子泓漢而
與之上下我悉方城外以毀其舟還塞大隧直轅冥
隄子濟漢而伐之我自後擊之必大敗之旣謀而行
武城黑謂子常曰吳用木也我用革也不可久也不
如速戰史皇謂子常楚人惡子而好司馬若司馬毀
吳舟于淮塞城口而入是獨克吳也子必速戰不然
不免及濟漢而陳自小別至于大別三戰子常知不
可欲奔史皇曰安求其事難而逃之將何所入子

死之初罪必盡說十一月庚午二師陳于栢舉闔廬
之弟夫槩王晨請於闔廬曰楚瓦不仁其臣莫有死
志先伐之其卒必奔而後大師繼之必克弗許夫槩
王曰所謂臣義而行不待命者其此之謂也今日我
死楚可入也以其屬五千先擊子常之卒子常之卒
奔楚師亂吳師大敗之子常奔鄭史皇以其乘廣死
吳從楚師及清發將擊之夫槩王曰困獸猶鬪况人
乎若知不免而致死必敗我若使先濟者知免後者
慕之蔑有鬪心矣半濟而後可擊也從之又敗之楚

上蔡縣志

卷之十三

藝文

十五

人為食吳人及之奔食而從之敗諸雍澨五戰及郢
楚圍蔡報栢舉

左傳

元年春楚子圍蔡報栢舉也里而栽廣丈高倍夫屯
晝夜九日如子西之素蔡人男女以辨

辨別也男女各別係繫而

出使疆于江汝之間而還楚欲使蔡徙國在江水之北汝水之南求田以自安
也蔡權聽命楚既還蔡人更叛楚就吳
故楚師還

蔡遷州來

左傳

吳洩庸如蔡納聘而稍納師師畢入衆知之蔡侯告
大夫殺公子駟以說哭而遷墓冬蔡遷于州來

靈王城陳蔡不羹

國語

靈王城陳蔡不羹使僕夫子皙問於范無宇曰吾不服諸夏而獨事晉何也唯晉近我遠也今吾城三國賦皆千乘亦當晉矣又加之以楚諸侯其來乎對曰其在志也國爲大城未有利者昔鄭有京櫟衛有蒲戚宋有蕭蒙魯有弁費齊有渠邱晉有曲沃秦有徵衙叔段以京患嚴公鄭幾不封櫟人寔使鄭子不得其位衛蒲戚寔出獻公宋蕭蒙寔殺昭公魯弁費寔弱襄公齊渠邱寔殺無知晉曲沃寔納齊師秦徵衙

上蔡縣志

卷之十三

藝文

十六

寔難桓景皆志於諸侯此其不利者也且夫制城邑若體性焉有首領股肱至于手拇毛脉大能掉小故變而不勤地有高下天有晦明民有君臣國有都鄙古之制也先王懼其不帥故制之以義旌之以服行之以禮辨之以名書之以文道之以言旣其失也易物之由夫邊境者國之尾也譬之如牛馬處署之旣至畜蠶之旣多而不能掉其尾臣亦懼之不然是二城也豈不使諸侯之心惕惕焉子皙復命王曰是知天咫安知民則是言誕也右尹子革侍曰民天之生

也知天必知民矣是其言可以懼哉三年陳蔡及不
美人納棄疾而殺靈王

四書

論語

子使漆雕開仕對曰吾斯之未能信子說

子曰從我於陳蔡者皆不及門也德行顏淵閔子騫
冉伯牛仲弓言語宰我子貢政事冉有季路文學子
游子夏

孟子

上蔡縣志

卷之十三

藝文

十七

孟子曰君子之厄於陳蔡之間無上下之交也

家語

孔子在厄

楚昭王聘孔子孔子往拜禮焉路出於陳蔡陳蔡大
夫相與謀曰孔子聖賢其所刺譏皆中諸侯之病若
用於楚則陳蔡危矣遂使徒兵距孔子孔子不得行
絕糧七日外無所通藜羹不充從者皆病孔子愈慷
慨講誦絃歌不衰乃召子路而問焉曰詩云匪兕匪
虎率彼曠野吾道非乎奚爲至於此子路慍作色而

對曰君子無所困意者夫子未仁與人之弗吾信也
意者夫子未智與人之弗吾行也且由也昔者聞諸
夫子曰爲善者天報之以福爲不善者天報之以禍
今夫子積德懷義行之久矣奚居之窮也子曰由未
之識也吾語汝汝以仁者爲必信也則伯夷叔齊不
餓死首陽汝以智者爲必用也則王子比干不見剖
心汝以忠者爲必報也則關龍逢不見刑汝以諫者
爲必聽也則伍子胥不見殺夫遇不遇者時也賢不
肖者才也君子博學深謀而不遇時者衆矣何獨邱
上蔡縣志

卷之十三

藝文

十八

道至大天下莫能容雖然夫子推而行之世不我用有國者之醜也夫子何病焉不容然後見君子孔子欣然嘆曰有是哉顏氏之子使爾多財吾爲爾宰

顏子食埃墨

孔子厄於陳蔡從者七日不食子貢以所齎貨竊犯圍而出告糴於野人得米一石焉顏回伸由炊之於壤屋之下有埃墨墮飯中顏回取而食之子貢自井望之不悅以爲竊食也入問孔子曰仁人廉士窮改

上蔡縣志

卷之十三

藝文

十九

節乎孔子曰改節何稱於仁廉哉子貢曰若回也其不改節乎子曰然子貢以所飯告孔子孔子曰吾信回之爲仁久矣雖汝有云弗以疑也其或者必有故乎汝止吾將問之召顏回曰疇昔子夢見先人豈或啓佑我哉子炊而進飯吾將進焉對曰向有埃墨墮飯中欲置之則不潔欲棄之則可惜回卽食之不可祭也孔子曰然乎吾亦食之顏回出孔子顧謂二三子曰吾之信回也非待今日也二三子由此乃服之

孔子絃歌陳蔡之闕

孔子遭厄於陳蔡之間絕糧七日弟子餒病孔子終
歌子路入見曰夫子之歌禮乎孔子弗應曲終而曰
由來吾語汝君子好樂為無驕也小人好樂為無懼
也其誰之子不我知而從我者乎子路悅援戚而舞
三終而出明日免於厄子貢執轡曰二三子從夫子
而遭此難也其弗忘矣孔子曰惡是何言也夫陳蔡
之間丘之幸也二三子從者皆幸也吾聞之君不
困不成王烈士不困行不彰庸知其非激憤厲志之
始於是乎在

上蔡縣志

卷之十三 藝文

二十

詩

大道歌

一作楚聘歌

周孔子

孔叢子曰孔子在陳蔡楚昭王使使來聘宰
予冉有曰夫子之道至是行矣因問太公與
許由孰賢孔子曰許由獨善其身太公兼利
天下然今世無文王雖有太公其孰識之乃
云歌

大道隱兮禮為基賢人竄兮將待時天下如一兮欲
何之

鴻隙陂

漢童 謹

環陂誰翟子威飯我豆食羔羊魁反乎覆陂當復

五者兩黃鵠

歸汝墳山莊留別盧象

唐祖 詠

淹留歲將晏久廢南山期
舊業不見棄還山從此辭
漚麻入南澗刈麥向東菑
對酒難黍熟閉門風雪時
非君一延首誰慰遙相思

汝墳別業

唐祖 詠

失路農為業移家到汝墳
獨愁常廢卷多病久離羣
鳥雀垂窻柳虹霓出澗雲
山中無外事樵唱有時聞
汝墳秋同仙州王長史翰聞百舌鳥

上秦縣志

卷之十三

藝文

三十一

唐祖 詠

秋天鬪好鳥驚起出簾帷
却念殊方月能鳴已後時
遷喬誠可早出谷此何遲
顧影漸無對懷羣空所思
淒涼歲欲晚蕭索燕將辭
留聽未終曲彌令心獨悲
高飛憑力致巧嚇任天姿
返覆知而靜間關斷若道
花繁上林路霜落汝川湄
且長凌風翻乘風因有期
行至汝墳寄盧徵君

唐孟浩然

行乏憇予駕依然見汝墳
洛川方罷雪嵩障有殘雲
曳曳半空裏容容五色塵
迥一時興因寄盧

汝墳示弟妹

唐沈千運

今日天氣暖，風杏花拆。旣方久，不如却羨澗中石。
神仙杳難信，中壽稀滿百。遺世多夭傷，喜見鬢髮白。
殺藜竹樹間，宛宛舊行蹟。豈知林園主，却是林園客。
兄弟所存半空爲，亡者惜冥冥無再期。哀哀望松石，
骨肉能幾人。年天自踈隔，性情誰免此。與我不相見，
唯念得爾輩。時看慰朝夕，平生茲已矣。此外盡非適。

平淮西雅

唐柳宗元

皇者其武于激于淮，旣巾乃車環。蔡其來，殺衆比皆。

上蔡縣志

卷之十三

藝文

二十三

甚毒于醒狂奔叫喚以干大刑。

皇者于度惟汝一德曠誅，因紀其僕汝克錫汝。旣
其往視師，師是蔡人以宥以釐。

度拜稽首廟于元龜，旣禡旣類于社。是宜念節煌煌，
錫盾隴戈屨甲熊旂威命是荷。

度拜稽首出次于東，天子餞之壘。年楚蔡難，旃俎
五獻百籩，虺百卿士班以周旋。

旣涉于滌，乃翼乃前。孰圖厥猷，其佐多賢。旌旄
于山于川，遠揚邇昭。陟降連連。

我旆我旗于道于陌訓于羣師奉勇來格公曰念之
無恃額額式和爾容惟義之宅

進次于郟彼昏卒狂哀兒鞠頰鋒蝟芥塘赤子匍匐
厥父是亢怒其萌芽以忤太陽

于旅渾渾是佚是怙既獲敵師右饑得餽蔡兇益窘
悉起來聚左搆其虛虞愆厥慮

豈關龍拔丞相是臨強其武刑論我德心其危既安
不眾如林曾是謹譏化爲謳吟

皇曰來歸汝復相予爵之成國胙以夏墟度拜稽首

上蔡縣志

卷之十三

藝文

二十三

天子聖神慶拜稽首皇祐下人

淮彞旣平震是朔南宜廟宜郊以告德音歸牛休馬
豐稼于野我武惟皇永保無疆

平蔡州

唐權德輿

汝南晨雞喔喔鳴城頭鼓角音和平路旁老人憶
事相與感激皆淚零老人收淚前致詞官軍入城人
不知忽驚元和十二載重見天寶太平時

寄汝墳從弟楚材時郊得入秦楚材適楚

唐孟

郊

朝爲主人心夕作行路吟汝水忽懷咽汝風流苦
北闕秦門高南路楚石深分淚灑白日離腸遠青
何以寄遠懷黃鶴能相尋

平淮西碑

唐李商隱

元和天子神武姿彼何人哉軒與義誓將上雪列聖
耻坐法宮中朝四夔淮西有賊五季載封狼生羆
生豈不據山河據平地長戈利矛日可麾帝得聖相
相曰度賊斫不死神扶持腰懸相印作都統陰風
浚天王旗愬武古通作牙氣儀曹外郎載筆隨行軍

上蔡縣志

卷之十三

藝文

二十四

司馬智且勇十四萬衆猶虎羆入蔡縛賊獻太廟功
莫與讓恩不訾帝曰汝度功第一汝從事愈宜爲辭
愈拜稽首蹈且舞金石刻畫臣能爲古今世稱大手
筆此事不繫於職司當仁自古有不讓言訖屢領夫
子頤公退齋戒坐小閣濡染大筆何淋漓點竄堯典
舜典字塗改清廟生民詩文成破體書在紙清最喜
拜鋪丹雘表曰臣愈味死上詠神聖功書之碑碑高
三丈字如手負以靈龜以螭句奇語重喻者少識
之天子言其私長

斯文若云
胡巴入人肝脾湯盤孔鼎有迹
作今無其器有其辭嗚呼聖王及聖相相與烜赫流
淳熙公之斯文不示後曷與三五相攀追願書萬本
誦萬過口角流沫右手抵傳之七十有二代以爲封
禪玉檢明堂基

題李斯墓

唐胡會

上蔡東門狡兔肥李斯何事忘南歸功成不解謀身
退直待咸陽血染衣

題李斯墓

宋劉敞

上蔡縣志

卷之十三 藝文

二十五

二世三公何足論憶牽黃犬出東門天人忌滿由來
事狂恃沙丘有舊恩

題翟方進墓

宋劉敞

持法雖深上不疑蕭疎何事觸刑機主恩未改天心
改使者空乘白馬歸

九日登城上亭呈都官水部

宋祖無擇

何處稱登臨高城接遠岑酒杯深映玉菊葉細浮金
美景年年定衰容日日侵感時無限思偏動浴生吟
正月十八日蔡州道上遇雪次子由韻二首

宋蘇軾

蘭菊有生意微陽回於根方憂集暮雪復喜迎朝暎
憶我故居室浮光動南軒松竹半傾瀉未數葵與萱
三徑環草合一鉢井花溫至今行吟處尚餘履舄痕
一朝出從仕永愧李仲元晚歲益可羞犯雪方南奔
山城買廢圃稿葉手自掀長使齊安人指說故侯園

又

鉛膏染髭鬚旋露雪霜根不如閉目坐丹府夜自嗽
誰知憂患中方寸寓羲軒大雪從壓屋我非兒女營

上蔡縣志

卷之十三 藝文

二十六

平生學踵息坐覺兩鞅溫下馬作雪詩滿地鞭箠痕
佇立望原野悲歌爲黎元道逢射獵子遙指狐兔奔
蹤跡尚可尋窟穴何足掀寄謝李丞相吾將返丘園

淮西碑

宋蘇軾

淮西功業冠吾唐吏部文章日月光千古斷碑人膽
寒不知世有段文昌

上蔡懷古

元傅汝礪

城頭黃葉多聞雞看劍起長歌徒憐丞相東門
曉將軍半夜鵝村底衣裳霑霧雨馬前燈火動

星河涼風滿路吹行鐸那似金門聽玉珂

春日謁三皇廟

明李夢陽

爰從開闢無三聖蠢爾生民豈至今寂寞廟宮誰下
馬遲迴天地獨沾襟紫堦藥蔓還春色捲日叢著已
暮陰悵望龍髯心更苦白雲偏繫鼎湖心

平蔡行

明何景明

蔡州城高高且壯四十年來兵不向旌旗忽從雨雪
入一夜開門納兵仗請降盡是洄曲軍拒戰不覩牙
城將橐鞬將軍拜道左緋衣小兒來天上州人始識

上蔡縣志

卷之十三

藝文

二十七

裴丞相

凱旋圖歌

爲雷黃門作

明何景明

漢家盜賊臨京都西衝河塞東海隅虎豹奔突豺狼
呼天子九重怒按劍將軍五道催飛符黃門鐵鞞按
營壘監視將軍奉天子征者無憂居者喜曉戰遙隨
金鼓前晝行獨擁旌旗裏烟沙忽傳畿甸清黃門奏
捷撫神京將軍歸來天子迎冊書十萬納御府勲級
三千羅紫庭封侯拜將珥貂列白金緋衣照雲月黃
門功多不自說受爵元看陸機小却賞誰知魯連潔

高堂白日披圖新戎衣慘淡猶風塵坐令慷慨悲金
辰書生從此識汗馬丈夫常憶畫麒麟

李斯歎

明林 時

上蔡倉中廡下鼠西入秦關東辭楚千騎萬騎忽雲
來丞相門前客如雨自從身在咸陽殿六國將軍怯
酣戰秦王帝業一朝成直謂勲名出霄漢親隨傍海
走旌旗可惜名都皆郡縣蘭陵本是著書人守尉翻
燒何令便沙丘消息人不聞丞相胡亥惟趙君劍落
陽周血上天衝星紫日爲妖氛二世黃袍斯赤手通

上蔡縣志

卷之十三

藝文

二十八

侯印墮中車口不悟逐時錯上書還臨刑市悲牽狗
嗟哉羣盜誰弗知相通乃獨三川守人生天地信蜉
蝣世事烟霾那真否趙君趙君汝不死鹿乎馬乎胡
爲爾

題李璉城

明馬 敷

荒城衰草夕陽邊古堞蕭蕭尚帶烟三斗解醒纔壯
膽五更騎馬始朝天淒涼此處空遺跡瀟灑當年舊
酒仙杜甫清歌千古在不堪極目倍淒然

登玩花臺

明黃尚質

偶因觀射圃墮上玩花臺草露經衣濕出雲入草
新亭逢白菊長笑共青杯此日羸無事何妨既醉回

登著臺

明王 概

高臺突兀接荒城風雨年年著草生鳳尾飄蕭雲氣
濕龍頭夭矯露華清重墮此日升雙闕一本何時滿
百莖安得神龜常守護靈根直擬獻承明

遊白雲洞

明王 概

仙人飛去不曾還洞口浮雲盡日開石室有苔塵榻
冷丹房無火藥爐閒鳥啼落照霞光裏鶴唳東風樹
影間好術幾多人願學祇應無路可躋攀

高皇臺

明馬 蕙

幾仞荒臺上蔡東當年踪跡半蒿蓬已無雲氣連芒
碣空有青山接沛中野水寒烟飛鳥沒夕陽遠樹斷
霞紅不堪回首咸陽道懷古何人思不窮

蔡溝

明馬 蕙

蒹葭風露曉寒凄烟抹疎林月漸低隔水人家屏尚
掩過橋僧寺鳥爭啼漁燈閃爍沙中沒山色模糊馬
上迷報曉鄰雞三唱罷鐘聲遙度郡城西

汝水秋風

明馬蕙

一帶清溪遶故城
蒹葭浙瀝動秋聲
霞隨孤鷺天邊沒
柳映殘陽雨外明
紅蓼岸平樵唱入
白蘋香散釣舟橫
臨流獨愛清如許
何必桃源問渡情

洪河

明馬蕙

河流百折綠縈紆
况復春深雨更餘
片片落花輕泛水
依依碧荇暗藏魚
磯頭沙鳥來還去
天際風帆卷又舒
偶爾問津見漁叟
披蓑來自武陵居

上蔡懷古

明曹璉

上蔡縣志

卷之十三

藝文

三十

汝河一帶遶蘆岡
四眺烟霞接渺茫
丞相塚頭蒼蘚合
楊仙洞口白雲荒
霜前野水連天漲
雨後靈苔滿地芳
欲向卦臺究義畫
旅懷無奈去途長

吊霍愍節

闕名

公脉昔年曾我診
已知鐵漢是天生
乾坤止識綱常重
夫婦能將性命傾
萬刃臨軀難斷義
千年埋骨不埋名
軻山猿嘯蕭蕭夜
猶似當年罵賊聲

謁上蔡先生祠

明白應虛

上蔡城邊莫雪深
先生祠下樹蕭森
百年簡冊存遺

訓此日蘋繁見素心一字去來功實際半生虛過罪
難禁高山仰止依然在下拜臨風且歛襟

大士閣雪眺

明張廷登

危樓下尺俯蒼烟回首茫茫莫雪前迢遞平疇窓外
盡參差遠樹坐中縣瑾華渾改寒村色玉宇新開大
梵天慙爾登臨堪共飲喜從吾世兆豐年

洪河泛舟

明張九一

波遠天還合沙崩地與傾千章楓樹落兩岸蓼花明
骯髒無交態浮沉自大名沙鷗莫遽起吾與爾爲盟

上蔡縣志

卷之十三

藝文

三十一

又

急峽瀉河聲中流桂楫輕花依遙岸待柳傍近灘迎
天地孤舟轉文章萬象驚蛟龍羣出舞共醉倚青萍

槐茶歌

明黃二桂

六安之茶品不下茶賈年來長高價富者猶買耳環
白貧者棠葉空悲訝王家忽聞產異茶茶形無異龍
團芽客來檠出朱漆盤顏色如金味更佳此茶能消
臟腑火驅毒還勝欵冬花問君此種何由得王君但
秘不肯說嘉客欲問採摘時請看來年二三月及

春來寂不聞此茶生夏不生春及至六月槐花黃
僮門外日紛紛鄰里只說收桑色誰知就是採茶人
乃知茶味原不殊好奇誇異反成愚寄語南來賣茶
者從今林過王君廬

奉徵勘水同黃伯謙郡公宿南陔次韻

蔣燦

煩襟不可滌言訪高人廬未暇窮奧變望衡氣已舒
猶恐片谷遠武接翻脚躡數唯一笑見寒髭曠欲虛
回睇廊廡間松篁正森疎碧蘿四圍合飛英落不除
池心月忽到冷浸玉蟾蜍意愜動成靜兀對疑太初
談餘出巖酒薦七有嘉蔬飲半呼畢聊興到我獨書
爲勸夜忽旦清境難久居我去君還坐苦樂終何如

白兔詩

爲黃郡公仲質作

明秦 編

寒日三山盡深秋萬卉枯霜風催上蔡露液灑平蕪
肅肅且于野爰爰兔在隅入眸驚罕絕落手詫稀無
宿莽微雲抱遙岡片日扶可是濤凝魄應爲雪浸膚
奔疑珠亂綴臥想玉斜鋪黃犬廬相憶蒼鷺枉自呼
仙娥輝乍減郢客翰無孤巖際凍精石妙處祇類臯

元堪齊越雉色豈僂豸孤持以將熊軾留之配虎符
瑩瑩遊水鏡皎皎落水壺紀算占毛羸微休驗斗樞
還同黃霸事錫賚下天衢

崇郡王夫婦避難招信

王基昌

來向青門學種瓜佳人漫說是王家暮鴉啼殺深宮
柳戎馬踏殘上苑花枳棘那堪巢鷺鴦風烟真可避
龍蛇相看共拭長淮淚敢憶當年汝水涯

經吐蔡

彭而述

城郭蕭疎著廢庵離迷亂塚老樵探李家黃犬歸何
處狡兔難橫過汝南

上蔡縣志

卷之十三

藝文

三十三

鴻邨陂

金 鎮

黃鵠歌聲歇龍淵想像中祇看青草合不見碧流通
還恨憐方進封侯憶鄧公何時成大澤迢遞水雲空

漆雕墓

彭 賓

士未越衡茆宜先有成竹及其受事日不過出所櫬
如何柱石地垂楊當天風迅發期遠到臨岐問西東
三三續九載周官做六計盡如漆雕氏何有錢禡吏

李藝井

彭 賓

東門黃犬寂古井汲泉新軸轉時呶啞不啻丞相喚
井邊土埤茅簷低井上壞木鴉鷓鴣當年嚇嚇坑焚
令此日縱衣立斷碑君但淚覆君莫悲阿山驢山槩
如斯

友人約遊八卦臺尋白龜著草 曹 風

解海道長獨別島黃氣黑颯然掃尋常彷彿到先
天咫尺羹鷓依太嶰稔知一畫破鴻濛萬古長開啓
與靈臺喜登臺陳八卦天來聖蹟在天中偶遊時人
蓄奇標約予同過洪河道直指光訪白龜時視青

上蔡縣志

卷之十三

藝文

三十四

雲覓蒼草猥云龜坼是靈師著實服之亦先知能令
蠱螫不敢近虎狼遠竄誰昌披子謂稽疑不始此益
從德兮損從否莫將曲利寬小人祇許平慢成君子
乃知卜筮自有真慈往知來悉在人不然朽骨焉能
智不然枯草焉能神君不見屈子心煩詹尹避驪姬
卜吉原非利是以君平說孝慈季玉由來順仁義至
誠感召本無心前無古今後無今且會羲皇臺上意
漫向著龜足下尋

過上蔡訪聖門三賢遺址

曹文蔚

久憐吾道類風塵
仰先賢訪故廬
明義敢云依上

蔡曹子循封信心應恐愧平輿漆雕子若千秋大業

傳周禮一卷遺經尚書此際淵源終不絕
五花流水自成渠

伏羲畫卦臺

曹文淡

早知一畫劃天開
何幸登臨八卦臺
蒼草百莖誠誕

也義皇親覲亦奇哉

華陂行

邱天英

汝水東流開華陂
青龍白虎相吞噬
長風巨浪累千

上蔡縣志

卷之十三

藝文

三十五

疊鯨魚跋扈無休時
是日我來大雨過
翻倒江海山

嶽摧但見中流沒
樹杪又無片石砥柱之
居民廬舍

既淹沒何處更尋昔
麥與膝畦假非漢相決隄堰至

今百萬赤子為鯨鯢
吁嗟乎汝水之害有如此
停車

三歎為獻歛

秋日遊上蔡書院訪舒康伯

邱天爵

清溪細路響梧桐
白日披帷一畝宮
衰草踏殘天地

色遊絲環繞黍禾風
憲明四照書聲遠
木落千章籟

抽空自是有懷聊
堪望藜牀綺閣暮雲中

下馬訪舒康伯山善下齋

王驊

控金駒入著城穹窿古院多書聲砌草墀花歲不計
斷垣古栢垂十尋我亦有寶劍欲贈客冀彼受者伊何
人前有謝顯道羽習六經傳維程門善下之齋大如掌
秋風謾謾生胸襟

巳巳重九後一日楊公路攜酒書院晚同舒康

伯王龍文蕃八默智登西城小步

張御採

張翰秋風老髻斑蹉跎佳節不知還悲來白首羊岐

上蔡縣志

卷之十三

藝文

三十六

路喜度青天雁人關多意菊開元亮酒空傳帽落萬
年山同人逸興渾如昨潦倒乾坤一醉顏

前題

黃學愚

登城挈侶玩秋光葉脫空林柿正黃雲際此時多過
雁霜天昨日度重陽喜同高士舒青眼共作羈臣滯
異鄉誰謂窮途皆寂寞滿頭叢菊有餘香

侍家大人讀書上蔡書院中

舒采

瘦蹇衝殘雪雲霄見講堂自來詩禮訓不見鬢毛蒼
手關荆榛遠門開道路長鄉關千里外何敢厭淒涼

過上蔡敬拜先大夫祠堂

張思訖

蔡人直道在祠堂俎豆千秋尚有光特掃寒烟衰草

徑喜聞書韻墨雲香

祠後爲上蔡書院

松楸蒼翠參天地桃

李福禮麗廟廊莫歎栽培非手澤神其如在且洋洋

玩花樓故址

孫才發

別苑樓臺城闕東當年絃管奏春風銅駝寂寂堞荒
徑禾黍蕭蕭滿故宮鳳去玉階明月冷燕歸畫棟彩
雲空祇今惟有樓前石長在寒烟蔓草中

送舒康伯先生講學上蔡書院 楊正修

上蔡縣志

卷之十三

藝文

三十七

孤城暮雪朔風寒潦倒狂歌天地寬劍缺光衝霄漢
迥琴書韻繞白雲端人來問道過花嶼雁影凌空下
竹闌函丈卽吟瞻紫氣傳經午夜勉加餐

晚登白龜廟

邱士昂

野廟尋幽徑千峰鎖夕陽問人東道遠拾草百莖長
龜看雲常覆祠環栢自蒼到來頻弔古風物正淒涼

奉題老山舒康伯先生善下齋 楊植

得從茅屋見吾師儒雅風流今在茲遂有鱸魚來品
版不妨燕子更啣泥蒼苔古道應須掃棗樹桃根

揮籬乘興且煩頻下榻來遊何異習家池

西郊即事

楊寬

日雲飄渺入深秋散步西郊更上樓鴻鴈蘆岡迷去
住鴛鴦野店任沉浮前驅風馬橫飛度獨坐霜林醉
欲留歸路盤桓攜勝友何時重訂蚤春遊

登著署西樓晚眺

楊寬

極目雲山未有涯幾回指點數歸鴉一天星斗西樓
近何日纔乘入漢槎

雪中酬四弟受白奎樓作原韻 舒素

上蔡縣志

卷之十三

藝文

三十八

文星遙聚蔡城陞會建新樓快意時直是元龍高百
尺肯將五鳳易疎籬長依白雪趨庭暇空對青鋒開
宇思獨怪碧窓天祿史還同叔度擬襟期

庚午冬日同滋長登奎樓

舒承

奎樓新建蔡城陞正值携朋眺望時敢自平臨傾北
斗聊將高眎薄東籬雲生異地梁園迥秋入空林楚
客悲日暮且尋藜杖火一鈎寒月滿襟期

蘭桂有芬清暉自遠

風泉相映

素象以生

瓦甯文延年益壽

大富貴兼壽考宜子孫百世昌

銅盤銘富貴吉羊

官宦

三字同頭富宦家三字同旁綢緞紗

休富宦家馬有綢緞紗

若休先生中馬

三字同頭先生牛三字同旁杉欄杆

用杉欄杆

賦得馬或乎也詩文

理向虛中待其文

屬妙文馬或神

自別乎也象彼